

بسم الله الرحمن الرحيم



عاشق شعر لری

گر لیلیدر، قوشمالار، یاییتیلدر، بئشیکلر و دیوانلر

یارلوان :

طاهر صاحب مستوق تبریزلر
(عاشیق پکر)

بۇلوم

۱. گرايلىلار

- ۱.۱: كۆنول سن بى قارار اولما..... ۶
- ۲.۱: دونيادا بىر گون ياشاماز..... ۹
- ۳.۱: ازل گوندىن دايناييسان..... ۱۱
- ۴.۱: بىر سۆز اولار قان كۆنولده..... ۱۳
- ۵.۱: آتلى سانماز پياده نى..... ۱۴
- ۶.۱: ازل گوندىن بو دونيانى..... ۱۶
- ۷.۱: ناحق گۆرنه گنچدى حقى..... ۱۸
- ۸.۱: واردىم مکتب ساراينا..... ۱۹
- ۹.۱: وئرمز اولدوم كيمسه ايچون..... ۲۰
- ۱۰.۱: ئولن كن جيسىمى خسته مى..... ۲۱
- ۱۱.۱: منا اي سىتمگر دۇران..... ۲۲
- ۱۲.۱: اورگىمين سازى - سۆزو..... ۲۳
- ۱۳.۱: بتر دويدون بو دونيادان..... ۲۴
- ۱۴.۱: "هر عاشيقام عاشيق اولماز"..... ۲۶
- ۱۵.۱: ناكس لره بال يئىرد سن..... ۲۷

۲. قوشمالار

- ۱.۲: عرض ائلىيىم بنده ى موخلىص نما..... ۲۸
- ۲.۲: بىر بئله گوندىش يانيرى هر يانا..... ۳۰
- ۳.۲: رفقيم گئل بو كؤنوله همدرد اول..... ۳۲
- ۴.۲: اى همدرديم گئل ائشيت بىر سؤز مندن..... ۳۳
- ۵.۲: "اى آغالار من گونھكار اولموشام"..... ۳۴
- ۶.۲: بو كؤنول ائوينين يولونا دوشن..... ۳۵
- ۷.۲: گئل همدرديم ائشيت مندن حيكاييت..... ۳۶
- ۸.۲: جانيشيني حقدير، وصى و ولى..... ۳۸
- ۹.۲: چوخ فخر ائتمه يوز آل اللى دونيايه..... ۳۹
- ۱۰.۲: كؤنول كيم نغمه يى غم دير سراسر..... ۴۱
- ۱۱.۲: گيدى دونيايه طولاندى بو كؤنول..... ۴۲
- ۱۲.۲: آدام وار كى درسين اوستاد دان آليب..... ۴۳

۳. بئشلىكلر

- ۱.۳: سوزى عشقيني بىر چئكن-چئكن..... ۴۴
- ۲.۳: دردى عشقيدن تاپميشام نوا..... ۴۶
- ۳.۳: ساقى يانميشام سوزى عشقيدن..... ۴۷
- ۴.۳: ساقى عاشيقى تركى سر دئين..... ۴۹

۴. ديوانى

۱.۴: نم گۆزلرىم اورگين..... ۵۱

۵. باياتيلار

۱.۵: سلام بنيم جان باجيم..... ۵۳

۲.۵: خسته جانيم مين اول..... ۶۰

۳.۵: شاعير ائلينه يانار..... ۶۲

۶. علاوه لر

۱.۶: قانادلاريم قيريلاندا..... ۶۴

۲.۶: گۆزلرىم يونا قيني آنلاديم..... ۶۶

۳.۶: بويون بير ناله و افغان..... ۶۸

۴.۶: بختى قارا، شمعى سۇنوب، ئىئيئيم..... ۷۰

۵.۶: گۆرمئليدير تبريزه قار ياغاندا..... ۷۲

کۆنول سن بی قرار اولما
صیبرده ن جان، کی خوار اولماز
اٹشیت، نامرده یار اولما
ائده ر عهد و قرار اولماز

دئمه هر دردی نامرده
آماندیر، بیرتیلار پرده
چوخ اویماسن بوجور فرده
کی محرمی اسرار اولماز

خودا! ائت سن نظر، مرده
سالیب دونیا اونو درده
أوزولدو قامتی یئرده
اونا چؤن هوادار اولماز

وفاسیز یاره، یار اولسام
دؤنوب گولشنده خار اولسام
او درده گیرفتار اولسام
منم مجنون کیم عار اولماز

کۆنول سیرری عیان اولدو
او طعن اوخ ایله قان اولدو
سینیپ پوشتوم کمان اولدو
اونا بیر کیمسه یار اولماز

اٹشیت سن، حق و ناحقده ن
دئیل کیمسه طرف حقده ن
بو قان باغیریم یانار درد ده ن
دئیر کیم، "جان"، یانار اولماز!؟

گۆرون موطلق بیان اولدوم
بولود گئتدی عیان اولدوم
دئیرکن کون و ،کان اولدوم
دئیم، چون، ایختییار اولماز

ایشیت حقیقی بزار اولما
بو کؤنلومه آزار اولما
داغیتما سیرری، زار اولما
گئلر محشر، فرار اولماز

دایانما اوج طریقته
یالانچی، بیج، بی غیرته
مثل اولدو بو ایلله
کج آجوردان دیوار اولماز

ئوتور بی عار و بی بندی
مگسلر چوخ سئور قندی
یاپیشسان بیل ییخار فندی
کیم هر شیرین، نیگار اولماز

یالان عاشیق ووصال ایستر
او میشکین خطّ و خال ایستر
دؤنر شهوتله حال ایستر
سونر، اوندا وقار اولماز

بودور، عاشیق ملال ائتمز
یانار هیجره، زوال ائتمز
سولار هیجريله سال ائتمز
ئولر، بی بند و بار اولماز

گزير موفليس ئولن مردى!
 آماندير دردى بى دردى
 گل ائت روسوا بوجور فردى
 ديريده ن خبردار اولماز

اوخور بولبول، نه خوش سسدیر
 دئمه ياسين، گۆره ر، بسدیر
 ائشیت عاقیل، سانا درسدیر
 كى مجنونلار ياتار اولماز

يازاسام بیل سۆزوم چوخدور
 هونر كسب ایلپیه ن یوخدور
 سۆزوم طعنيله، قان اوخدور
 كى رینده سازيگار اولماز

بو كچ دهر ، كچ مدار اولدو
 اونوتدو، حيله كار اولدو
 پىكر، بو روزيگار اولدو
 عومورده اعتبار اولماز

دونیادا بیرگون یاشاماز
اولسا او سنسیز، آناجان
بولبول اوچورمی هایان؟
گۆیده، وطنسیز، آناجان !

اوجا داغلاردان اوجاسان
ایله بیر ائله دایاغسان
هانچی داغدیر کی گۆروبسان
ساجلاری دنسیز آناجان!؟

اریئیب چایلا آخارسان
گوله- خارا بیر باخارسان
بولود اولوب سن یاغارسان
رعدیله چن سیز آناجان

ئوز قانیندان ایچیدئردی
امگین ریند، ایتیرئردی
رنگی یوخدور، سؤزو بیردی
بی غل و فن سیز آناجان

گولوستانا یاراشارسان
حددی عالمده ن آشارسان
جنتته آیاق قویماسان
اولار یئلن سیز آناجان

اورگیمین کهلیکلری
کنجی دیلی ائتدی بری
بیر سوموگ اولدو بیر دری
باغ و چمن سیز آناجان

گولوستاندا اوخشار پكر
غنچه يارپاقلارين توكر
روحي جيسمدن رختين چنكر
گنزمى تن سيز، آناجان

ازل گۆنده ن دایانیبسان
 دولوبسان سن یاشا، داغلار
 اوجا لارین دولار چنه
 اتکلرون داشا، داغلار!

یایلار دولارسان سونبوله
 بولاقلارین آخار گۆله
 بلنیرسن لاله _ گوله
 اتگیندن باشا داغلار

بولودلارلا آغلاشارسان
 بیر یاغیشلارلا باغلاشارسان
 تاج اولوب یاراشارسان
 شاهین، شونقار، قوشا داغلار

دونی صاباحلارا ساتدیم
 بویون غیفلتله یاتدیم
 عومور کوزسین جالاتدیم
 الیم چیخدی بوشا، داغلار

یاندیم عشقه گۆله - گۆله
 عشقیم اودو دوندو کۆله
 دوشدون سنده دیلده ن دیله
 ایلر بویو یاشا داغلار

غم دره سی درین درین
 باتیب خارا دۆری برین
 اوزو سویوق سرین سرین
 دویغولاری بوشا داغلار

نا اهل بیلمز سازین دمین
اولدو پکر، تک همدمین
کۆنول ائوین دردو غمین
تک جانیوا داشا داغلار

بىر سۆز اولار قان كۆنولده
 ھىچ كىمىسىە دىمك اولماز
 حق سۆزودور، دىلە گلە
 مەن شان ایلە يىمك اولماز

دۇنوب يوردون ھىچە ساتسا
 سالىب ھىجرە يادا آتسا
 كۆنول ماتم غمە باتسا
 يىئە ائلدە ن دۇنمك اولماز

آجى سۆزلر جانا خنجىر
 سالىب باغرىم قانا خنجىر
 يارىن سالىب جانا خنجىر
 غرىب يىردە ئولمك اولماز

مەن گولشەنە، گولە دۇنسە م
 مرد اولمايىم، گولە دۇنسە م
 ھىجرە يانىب كولە دۇنسە م
 سىندە ن آيرى سئومك اولماز

داغلار دونار دومان يىردە
 پىكر قالدون يامان يىردە
 گۆز ياشىدى ھاچان يىردە
 آخسا اونى سىلمىك اولماز

آتلی سانماز پیاده نی
 دورماز بیرداده، بیلگیلن
 یاد، آشینا دوشمز یادا
 سالماز بیریاده، بیلگیلن

عارسیزبودور، هرگون یاتار
 گونو گونده ن، گونه ساتار
 موکافات بحريله باتار
 تاپماز بیر آده، بیلگیلن

آیاق باسدیم درصیدقه
 دیلیم جایماز یالان نیطقه
 یارلیق ائتسه م جورو فیسقه
 ذاتیم آلوده بیلگیلن

خسته لرین خسته سیه م
 بو دونیانین رسته سیه م
 الی باغلی بسته سیه م
 چوخلودا ساده بیلگیلن

محبت کعبه نین داشین
 هر گون دولانگیلن باشین
 ایسه ن هئچه بیرجه قاشین
 ایمانی باده بیلگیلن

رقیبیریم صاحب جمال
 چوخ وارلاری مال و مینال
 اوزاقلاردان گورونسه م دال
 پای پیاده بیلگیلن

جانان، وصله، عهد ايله سه م
 گئللم، جان وارسا، ئولمه سه م
 يار كويىنا بىر دۇنمه سه م
 دورمام آسوده بىلگىلن

هئىچ اوخشاماز بولبول گوله!
 بىل رحم ائتمز گول بولبوله
 "بو كۇنولده ن او كۇنوله"
 يالان بىر جاده بىل گىلن!

دونيا ائندى منى فرتوت
 ساقىم ايندى ملك الموت
 وئره ر جامى پىكر تنز اوت
 اىيامى باده بىلگىلن

ازل گونده ن بو دونیانی
 ئوزومله دربه در گوردوم
 گهی خیرو، گهی منفع
 گهی شوريله شر گوردوم

گهی افزونو گه نوقصان
 گهی خواييله گه هدیان
 گهی خیزریله گه حیوان
 گهی فانی، زهر گوردوم

بو دور رسمی فلک اولدو
 نئچون نورس ساچین یولدو
 کونول ماتم _ غمه دولدو
 گونو گوندن هدر گوردوم

تنی آزادی غیر ائتدیم
 بسی تجریده خیر ائتدیم
 گنزوب دونیانی سیر ائتدیم
 نه بیر اینسو _ بشر گوردوم

ورق ویردیم بو دورانی
 دوشوب قرعه بو اینسانی
 ازل گوندن بو دونیانی
 نه گوردوم چون ضرر گوردوم

بودور پیس گون، هانی یاران؟
 ایگیت مردلرله عییاران!
 هم اینک قصدی دیلداران
 نه دیل کیم، سیم و زر گوردوم

عُمور مزرعینی هر آن
 ایچیتدیم جامی دیلده ن قان
 سینان دم پیوندی جیسم، جان
 بسی خار، بی ثمر گۆردوم

نه بیرلیق عقل و قلب ائتدی
 نه طالب مطلوبای یئتدی
 بو دیلده ن سلبی امر بیتدی
 الیمده تیغ، دو سر گۆردوم

پىكر آختارما ، كو ياران!
 كۆچوب، قالمادی غمخواران
 آیشدی گنج سبکساران
 کی نیمسوز جانلا، پر گۆردوم

ناحق گۆرنه گنچدی حقیقی
 دئیر حق سۆز لاپ لاف اولدی
 باغلا آچما گۆزلرینی
 حقیقی گئزن عیلاف اولدی

پامبیق آتان لار خان لادی
 خانى دولو الوان لادی
 حق آغیزی هپ قان لادی
 گئتدی ائوده، نداداف اولدی!

ایشدن سالدی منی درد لر
 ایکی ئوزلو اولان فرد لر
 خانه نیشین اولدو مرد لر
 نامرد عیان و صصاف اولدی

عمرین چایی توکن لدی
 دیک بئلیمی بوکن لدی
 کۆنلون داغی دیکن لدی
 غم قوشونا بیر قاف اولدی

کیمسه بیلمز دورر قدرینی
 گیزلت پکر ، بو زرینی
 فاش ایلمه کیم سیررینی
 ناموس ساتان صراف اولدی!

واردیم مکتب ساراینا
دوسلاریمدان آیریلیمیشدیم
یئنی مکتب، یئنی سارای
دوسلاریمدان آیریلیمیشدیم

یئنگی بیر بیغ اوزاریمدا
بیر گؤزل باغ گؤزاریمدا
بیلینیردی هر زاریمدا
دوسلاریمدان آیریلیمیشدیم

قالدی حالیم باغلی درده
غولا دوشدوم اولدوم برده
هیجران سالدی منی درده
دوسلاریمدان آیریلیمیشدیم

بیر دامغا کیم قوجاقلاردا
ووردو هامی او چاغلاردا
سورونوردوم بوجاقلاردا
دوسلاریمدان آیریلیمیشدیم

وئرمز اولدوم كيمسه ايچون
 كۆنلوم، جانيم، يانارحالم
 ايندى ياندى غوربت ائلده
 كۆنلوم، جانيم، يانارحالم

آغزيم جايدى اليف بيدن
 اليف لام لام اليف هيدين
 نصيبيم دير آخير هي دن
 كۆنلوم ، جانيم، يانارحالم

ايستكلريم بادا دوشدو
 ائليم اوبام يادا دوشدو
 اوچ وارليغيم اودا دوشدو
 كۆنلوم، جانيم، يانارحالم

دونيادن بن تز سير اولدوم
 بير گوش كيمي يسير اولدوم
 نئدن اولدو كيم پير اولدوم
 كۆنلوم، جانيم، يانارحالم

ئولن کن جیسمی خسته می
 دیله کلرله قویلایین سیز
 گنیش قازین مزاریمی
 دیله کلرله قویلایین سیز

سازیم یوخدور عاشیق اولسام!
 ئوز یاسیمدا ساچیم یولسام
 مزاریمدا زار زار دولسام
 دیله کلرله قویلایین سیز

مین ایستک دن بیره چاتمام
 ئوله نه تک بیر دینج یاتمام
 بو تورپاقا بیل تک باتمام
 دیله کلرله قویلایین سیز

سیخسا گوناھلار تنیمی
 باسا قبریم بوی انیمی
 یئر اولمازسا کفنیمی
 دیله کلرله قویلایین سیز

منا ای سیتمگر دوران
 نه وئردینمی جفادان جز؟
 عومور باغیم خزانلادون
 نه یاغدیردون می، خاردان جز؟

بو دور اول روزیگاری دون
 دلیم رنجور ایله، محزون
 می چشمیم دی چون پر خون
 نصیبیم دیرمی ناردان جز!؟

کۆنولدن حسرت و آهیم
 اوجالدی اول غمی راهیم
 یئر و گوکلر دی گواهیم
 سؤزوم اولماز وفا دان جز

منی قورخوزما اول ناردان
 کی یاندیم سوزی هیجراندان
 بو سوست عهد ایله ایلقاردان
 کۆنول گۆرمزمی یاردان جز!؟

أوره گىمین سازى سۇزو
قالدى داغلاردا-داغلاردا
آرزىلاریم قیرو ولارلا
دالدى داغلاردا-داغلاردا

اوخو،كۆنول سۇزه گلسىن
سازى أوره گىمی دلسىن
نفسیم اول كۆنول سسىن
سالدى داغلاردا-داغلاردا

خاطیره لر دومان یئرده
دوندو، پىكر، یامان یئرده
یارالاریم قالان یئرده
خالدى داغلاردا-داغلاردا

بتر دويدون بو دونيادان
 عۆمرون سووان قوجا آنام
 عۆمور بويو منده گزدين
 عۆمرون سووان قوجا آنام

قارا ساچين يئله وئردين
 جاوانلىقين ائله وئردين
 عۆمور شالين سئله وئردين
 عۆمرون سووان قوجا آنام

دينمز، حقدە ن گنچر سن،سن
 آجى زهرى ايچر سن،سن
 غم سينه مدن بيچرسن سن
 عۆمرون سووان قوجا آنام

اينام اوغول دوغانمادين
 بو آرزي دان دويانمادين
 امك كسديم ، اينانمادين
 عۆمرون سووان قوجا آنام

چوخ آنالار سولار ، ئولر
 يوخون - وارين اولاد بۇلور
 بالا ايچون اودا پۇرتر
 عۆمرون سووان قوجا آنام

چوخ گنجه لر آج ياتميسان
 من توخ يئيب،سن باخميسان
 چۇرگيوه نه ياخميسان؟
 عۆمرون سووان قوجا آنام

گوله ن اوزون هارا گتدى
درد قوپارتدى دارا گتدى؟
اوره گيوه يارا گتدى
عومرون سنوان قوجا انام

عاشيق پىكر سازا گىلمز
ياسى كۆچوب يازا گىلمز
بىرجه دفعه نازا گىلمز
عومرون سنوان قوجا انام

"هر عاشیقام عاشیق اولماز"
 "عاشیق یانا، یانا گثرک"
 قیلا کعبه یارین قاشین
 یادی دانا ، دانا گثرک

"هر عالیم عالیم اولماز"
 عالیم علمی قیشدا سولماز
 قاغ عالیملر علمی بولماز
 "عالیم قانا ، قانا گثرک"

هر شاعیرم شاعیر اولماز
 هپند شاییرد ماهیر اولماز
 یوز شاعیر کیم طاهیر اولماز
 شاعیر دوغا ، آنا گثرک

بولاشسا یئر گوغه قانین
 پکر، گتتمز دوز ایلقانین
 یار کوینا خسته جانین
 دوشسه ، باتا قانا گثرک

نا کسلره بال یئدیردسن
 دئیر آه-آه آغی دی بو
 تالان ووروب مالا،دئیر
 قازانینن یاغی دی بو

مثلدی:باب ، باین تاپار
 پارا دوستو،دوستو ساتار
 فورصت دوشجک سنی چاپار
 اوزاق گنز کیم یاغی دی بو

حررافا چوخ قولاق آسما
 هر مجلسه یوان باسما
 دوز ایلقاری یولدا آسما
 دئیرلر کی لاغی دی بو

ناکام عشقی یاخار دلی
 پکر دولار، آخار سئلی
 کامان گیبی دیکن بئلی
 آورہ گینین داغی دی بو

عرض ائلییم:بندۀ موخلیص نما
شوکر ائدیم اول خالیقی جلّ الجلال
یئددی سماده یازیلیب شأنینه
عدلی تمام، معرفتی حددی کمال

آینه تک، عکسیمی صادیق تانیر
حیف کی ایل، مرد ایگیت لری دانیر!
سن کیمی بیج، شریعت ده ن نه قانیر؟
کس سؤزون، عبسم اوتور، توت دیلی لال

هانچی شریعت، حرامی نوش توتار؟
ناحق بیر مال، هلال ائدیرمی اوتار؟
کهنه سؤز لر درد تازالیر، هیس، قوتار
تانی حددین، جوشما، اولارسان ملال

شوکریم اودور: گؤزوم یوکدور دونیاده
صداقتی هر دمله ساللام یاده
آشینایه هم موخلیصم، هم یاده
بودور منیم شریعتیمدی فی الحال

عالم بیلیر، نامرد سیم له مرد اولماز
مرد ئولسه ده آجیندان، نامرد اولماز
ایکی اوزلو اینسانلاردان فرد اولماز
اینسان اولماق بونلار اؤچون دور محال

سالدی حيله نفسيله ره چون خنناس
دالیسیجا سوروندولر خلق و النناس
قالماسین اول بوینونلا بیر حق و النناس
آلار دوزخ گوناھیندان ایشتیعال

قولاق آس بو، پىكر، درك ائت سۆزومو
گىرك اولامر ائدنين دۆزومو
نهى ائلييب آمما چينخام ئوزومو
نهروان شىخ تك افعالون دور زوال

بیر بئله گونده ش یانیری هر یانا
گون به گون آرتیق اوشوروق، بیلیمیره م!
شعله سینین ضبیطینی چکمیر فلک
بیز نیه یئرده دؤنوروق، بیلیمیره م!

خلقیده باخ سن اوزه، خالیق اولوب!
یئر اوزو حاکیمی نالاییق اولوب
دارداکی دوزخده کی صادیق اولوب!
هانچی گوناھه یانیروق بیلیمیره م!

هانچی قیریلیمیش سالیب آغیزلارا
آغزینا هم قلیینه چیخسین یارا
"چوخ گوناھسیز باش، کی گئدیب دیر دارا"
کیملره بوھتان ووروروق بیلیمیره م!؟

چوخلارینین بیز گؤره ریک وصفینی
هئچ تانیمیر سالدیگی ئوز عکسینی
ایندی نه ده ندی دانیری اصلینی
کؤک ایله دیلی سینیروق، بیلیمیره م

ایندی دئییرلر کی پکر اورما لاس!
کیمسه کی کندین دانیر، اولموش کیلاس
گئل کی ووراق ریشه میزه بیزده داس
شهدی بو یا زهر اوتوروق بیلیمیره م!؟

ساحیله باخ پارلیری آغ دورولر
کورلار آچیدیر سویا یوز شوولر
کیمسه بیلیر کیم نه گئزیر شورتولر
موردابا غواص اوزوروق بیلیمیره م

حق سۆزو شيرين دى عمل توتماسا
حق دئميره م،حققى دانان يانماسا
دينمه پىكر درديوى خلق قانماسا
كىمسه يه كيم،سؤيلئىروق بيلميره م!

رفىقىم گىل بو كۈنولە ھمدرد اول
 گىل گۈر يىنە بو چوللوқта تك قالدىم
 كىم بىلركىم كۈنولە نە دردىم وار
 بو دونيادە يىرىدىكجە آن دالدىم

بىر مجنونام بىر لىلىە وورولدوم
 دونيا ايچرە لىلى لردە ن وورولدوم
 دوشدوم رقىب اللرىنە ، وورولدوم
 خستە جىسمى تقدير چايىنا سالدىم

قالمادى ھىچ جاوانلىقدان نىشانە
 كل كامانا، اولدى جوان، نىشانە
 بىر كس اولسون سۇز يىتىرسىن نىشانە
 غرىب يىردە ھىجرىن اودونا ياندىم

من عاشىقام دولدو سازىم ھاوادا
 كىم ائشىتىدى يىردە، گۈيدە ھاوادا
 أما ئوزوم دربه درم، ھاوادا
 جنون توتدوم، فرھاد - مجنونى داندىم

كۈنول شمعى، آخشامىمدا يان آرام
 من ايپ اوللام سنىن ايچون يانارام
 جىسمىم تىتر، توتماز ھىچ بىر يان آرام
 پىكر گۈر كىم، درمان دردىمدن آلدىم

ای همدردیم گل ائشیت بیر سۆز مندن
 یاری گۆرگج تن دورار کیم جان دورماز
 جان اولورکن، عهدہ، وفا قیلار مرد
 فیراقیده ن یانار کۆنلو، قان دورماز

عهد سیندیرماق، نامردلره عادت دیر
 اوج گون دنیا اویونو سعادت دیر
 اوشاق سئور اول اویون کیم راحت دیر
 مرده دنیا اویونو ، آسان دورماز

باغلا ، آچما گیزلی سیرری نادانا
 جار سالار او سیررینیزی هر یانا
 چئکمز طعنی، کۆنلون دولارمی قانا
 یانار بیرده، هئچ کیمسه درمان دورماز

اولما غافیل ، سنده رینده یار اولما
 هر گول اوجون، هر گولشنده خار اولما
 جانان یانان دوستونان بزار اولما
 هاردا وار مؤمین، بیل اوردا شیطان دورماز

بیل قدرینی، عومرونو قیلما هدر
 بیر گون اولار وئرر سنه غم کدر
 هر غمله نن بیل، یقین اولماز پکر
 حسرتله نر، چون گنده ر، دوران دورماز

"آی آغالار من گوناھکار اولموشام!"
 توبه قیلیب سن دونیانی دادگینان
 طردی وطن منی یاران ایلیئیر
 آنا یوردون هر ناکسه ساتگینان!

حرام یئین گؤرنه پارلیر اموالی
 دوز دولانان قالدی بیر عومور دالی
 دینمه اولان یاتید سن قیلو قالی
 باشین گئدر عبسم اوتور، یاتگینان

گؤزون آچما یوخون گئدر بیر زامان
 دینمه حقیقی، دولار آغزین قان ها قان
 اولما ایشین دوز گئتگیلن، دوز دولان
 سن هله یات، یوخو حبیین آتگینان

نیلیر مردوم بیر ایشیق یول بیر چارا
 اورکلره ووروبلار ائلر یارا
 چوخ ایگیتر گئتدی لر پایی دارا
 ظالم اللر، ناحق قانا باتگینان!

من پیکرم آلدیم قاسیمدان درسیم
 یعنی بو کی یوخدور منده زرله سیم
 سالدی منی آیاقلاردان دردی سیم
 ایندی، اجل زهرین، جاما قاتگینان

بوکؤنول ائوینین یولونا دوشن
قانلی قانلی غونچه، لاله لر گؤرر
یولوندا هر کنده گؤذر ایلئین
اوچولموش ائولر، ویرانه لر گؤرر

گؤلونده خسته، یاشیل باش دورنالار
بلنمیش قانا بویانان سونالار
سکینمیش کهلیکلر سیغیلیمیش قوشلار
تؤکونموش سروی لر _ لانه لر گؤرر

اوجا داغلاریندا جوشان وولکانلار
اریئدر قارلاری آخدیرار قانلار
أوزو باغلی سؤزلر _ سیرری آچانلار
قویلانمیش داغلارلا _ یاره لر گؤرر

کیم کی ائندی تقلید شاهی مردانا
سؤزلری حقدیر شیوه سی مردانا
دوشن عاشیق لر چاهی زینخدانا
قاسیم تک یانان پروانه لر گؤرر

پکر دوشدو آخیر، کوهی بیستونا
صبر ایلئیر چاتا، شیرین دووستونا
کیم کی سالا ئوزون هیجرین اودونا
مجنون اولار او، دیوانه لر گؤرر

گئل همدردیم ائشیت منده ن حیکایت
من جانانی اولدا منده ن جان ایستر
سالدی زامان طعن خنجیرین باغریما
یانار- یانار دؤنر منده ن قان ایستر

خام کؤنلومدور دوشوب کامان زولفونه
شادلانیر اول گۆرنه یالان دوزونه
اولما فرهاد اویما شیرین سؤزونه
مومکون اولماز وصلینه،ایمکان ایستر

بیر دم وصله ایلر هیجران گؤرونر
یاره توشه ن،قلبی دورماز دؤیونر
یورگون کؤنلوم ایلان کیمی بورونر
گؤزلریمده ن گوهری روان ایستر

موددعینین تسییحی آشکار گئزه ر
مسجید ده شهرتله اعتبار گئزه ر
گئچر، حالینه خوش، روزیگار گئزه ر
مرده ده سیغماز، یاری نیهان ایستر

تولکونون ده دیلی یامان دولانار
خام جماعت تزلی اونا طولانار
هار ایتینده آغزینا کف جالانار
قصدیله جانینی بی گومان ایستر

افسوس کی صیداقت دیلی باغلانار
زمانه اوخو صادیقه توخونار
چئکر طعنی سؤزو، نیهاندا یانار
صد تیری جفا یاغار، امان ایستر

بىر نىگاره - يانار دىلىم - باغلانار
اونو گۆرگىچ دىنمىم دىلىم باغلانار
قولوم سىنار، بالو پىرىم باغلانار
شاهىن ووران كۆنلوم آشيان اىستر

دەرىن اوزو قارا بخت له آغارماز
بىگانه هئىچ ، آشينا ده يارماز
جىسىمىم خسته روحوم اوندا دوراماز
پىكر عيان، تركى دو جهان اىستر

جانیشینی حق دور وصی و ولی
شیری یزدان شاهی مردان یا علی (ع)
آیتابی عیصمت دور ماهی تمام
شیری یزدان شاهی مردان یا علی (ع)

تاجی عزیزت، مردی خیبر، دیل فیگار
صاحیبی جودو کرامت، باوقار
پیکری کوففاره یئندیر ذوالفقار
شیری یزدان شاهی مردان یا علی (ع)

دستی مولا زخمی کاردن پینه دار
قلبینه بیر دردی جانسوز، سالدی یار
ایلدی هر گنجله چاهی زمزمه زار
شیری یزدان، شاهی مردان یا علی (ع)

باغلادی کوففارین یولون شیری نر
بوکدو شیطانین بئلین اول مردی ار
ایلدی شق عنترین دستيله سر
شیری یزدان، شاهی مردان یا علی (ع)

اولدو کس، بی کسلره، مردی تمام
عاجیز اولدو درکینه پخته و خام
آلدی حق دستيله اول بیر زرلی جام
شیری یزدان، شاهی مردان یا علی (ع)

چوخ فخر ائتمه یوز آل اللی دونیایه
من دونیاله بیگانه یم، سن نه سن؟
حددین آشسا مین دانیشمند ایچینده
مجنون کیمی دیوانه یم، سن نه سن؟

دانیشیقین پیدا، لهو و لعب دیر
آدون فانی، پوچ اعمالون سبب دیر
سؤزون عبث، سازون چنگ و طرب دیر
من بولبولی مستانه یم سن نه سن؟

گول اولساندا، بیل سولاسان نیهایت
بولبول لری شاهین توتماق دور عادت
سولیمان تک تخت دن توشرسن، غایت
من قافیده افسانه یم، سن نه سن؟

کیمسه گوردوم آندا ریا گوروندی
بو خسته کؤلوم یاندی کوله دؤندی
تا جان وارمیش عشق یولوندا سوروندی
صداقتده آیینه یم سن نه سن؟

سن موددعی اولدون شاهلار چیراغی
گوندوز عابید، گئجه، اورماندا یاغی
باسیب ازل عشقی کؤلومه داغی
رخ یاره پروانه یم سن نه سن؟

کؤلوم عیان جامی جهان جم اولدو
سؤزوم یارا میخوش، یادا، سم اولدو
بو کؤلولده ن منا ارث تک، غم اولدو
غم جامینه پیمانه یم سن نه سن؟

پکر، توبه آیاتینی جانہ قیل
دردین ایظہار صاحبی سولطانہ قیل
دئیر بیر گون:جانینی جانانہ قیل
"من ساقی میخانہ یم سن نہ سن؟"

کۆنول کیم نغمه ی غم دیر سراسر
 آنینچون روضه ی رضوان گئرکمز
 ایگیت نامی سیلینمز، بیل، جاهانندان
 آنا هئچ چشمه ی حیوان گئرکمز

بو کۆنلون ایچدیگی پیوسته قان دور
 آنا همدم بو جسمی نیمه جان دور
 سرشکی آل چشمی کی روان دور
 آنا بیر لؤ لؤی غلطان گئرکمز

نصیبیم " وا حسرتا" اییامیدن
 گئرک دیر فرقی بیشمیش له خامیدن
 گئچن چون یار ایچون ناموس ونامدن
 آنیندا سیررینی پونهان گئرکمز

عجب، دوز سؤزلریم میف اولدو هم لاف!
 حقیقت طالیبی لاپ اولدی علاف!
 چپل، کی آدم اولموشسا دا صراف
 چاییردا بولبولی خوشخوان گئرکمز

وورور ئوز قارداشیم کرکی بوداقا
 عقیل دن بنزیراو بیرجه چاغا
 چئکیبیر بیر ائلین رسمینی لاغا
 بو دوشکون درده بیر، درمان گئرکمز

"حسین اولدوز" سنون باشین ساغ اولسون
 پکر، یاد ائلرین کاری، لاغ اولسون
 هونر سیز مردوم البت کی قاغ اولسون
 محالی فرضه هئچ بورهان گئرکمز

گىدى دونيايه طوولاندى بو كۈنول
باغلاندى او بير يئله ، نه دئيم!
دومانلى يوللاردان خبر گتدىلر
وئردىلر سارانى سئله ، نه دئيم!

ارىتىدى اورگىن ياغىن نىسىم
داغىتىدى كۈنولون داغىن نىسىم
اوجاتسا دردىمىن داغىن نىسىم
دالىندا داغباسار بئله نه دئيم!

دىل قانان اينسان تئز آنلار مطلبى
دوشونر ، عارىفېن قالخمامېش لى
مرقتى يوخارى، يوكسك، ادبى
"قانمىرام دئىيرم " دىله نه دئيم!

گئچىپ دولابچى اينسان دۇز-يىلقارى
فلك باشلادى مندن بو قومارى
اونوتسا بنى يار،توتسا اغيارى
قومارى اوتوزان دله نه دئيم؟

عاشيق پىكرىن گۈنۈ گئچدى يامان
دادىناد چاتان يوخ قىشقىرر آمان
دئمئدىن دردىدن تۈكئسه، ائلمان
بو بير امانتىدى، ائله نه دئيم!؟

آدام وار کی درسین اوستاد دان آلیب
 مردیدی اوستادی ئوزو مردانا
 دانیسسا ، داغ کیمی دورار سؤزونده
 سازی سازدی ، سؤزو مردانا

آدام وار بزه نه ر دؤنر مین رنگه
 آدام وار چوخ دانیشار وئرر انگه
 آدام وار کی سؤزؤنؤ دئیر سنگه
 تاپیلماز بیر قولاق- دؤزو مردانا

آدام وار کیشی دی قاشلارین آلار
 آدام وار نفسینی چوخ اوجوز ساتار
 آدام وار کؤنولو آباد سالدیرار
 دالدادا مردیدی اوزو مردانا

آدام وار یانماز بیر ائلین حالینا
 آدام وار ائلی سؤردوره ر دالینا
 آدام وار کی دئیمز ایتین یالینا
 آدام وار دی یانار کؤزؤ مردانا

آدام وار آنلاماز دئیر باش فردم!
 آدام وار گؤلمز دئیر اهل دردم!
 آدام وار آغلاماز دئیر چوخ مَرَدَم!
 آدام وارکی آغلار گؤزؤ مردانا

آدام وار کؤکسه آجیمیق دن اکر
 آدام وار دی سویو یاد اله تۆکر
 آدام وار بیر عؤمور قان ایچر ، پکر
 نه یاغسا جفادن دؤزو مردانا

سوزی عشقینی بیر چئکن،چئکن
عاشیقی زامان بیر منم،منم
سؤیله ای صبا جانسیتانیما
هیجرینه یانان بیر منم، منم

عاشیقه گئوک لازیمی جنون
ال چئکه بوتون غیری دن جدا
میم و عین و شین،واو و قاف اوللا
سؤیلیئین همان بیر منم، منم

لال اوتور رقیب،ائمه لافی چوخ
عاشیقم دئدون وئرمدون دلین
ترک جانینی کویینا ائدن
خونی دیل روان بیر منم،منم

اشک و غم اینان عشقیدن جدا
لاف اورمورام اولماز هیچ زامان
مشک او چؤلره چشمیم اولدو، هم
مورغه آشیان بیر منم،منم

عشقیدن ووران کیمسه دم،بتین
سیندیرا گئوک ائلیه زبون
قوسی پشتومو بیر گؤرون،گؤرون
ایندی بو کامان بیر منم،منم

چشمی پر هوس کور اوللا رقیب
ائتمدون حیا ایلدون هوس
سالما دیم گؤزوم،بیرجه چشمینه
فتنه دن امان بیر منم،منم!

سیغماز هنج بيلم عاشیقی، جاهان
یاغدیرار اونا تیری طعنه لر
تابی قالمادی چئک گوزون، گوزون
تیرینه نیشان بیر منم، منم

گولمسین اوزو سنسیز هیچ جاهان
گولدون هر زامان عشقیمه بنیم
باشیوا بولود سایه کیم سالان
بیلمئدون یاغان بیر منم، منم

ننگی نامیمه اولسون هر زامان
حرمتین سنون ائمئیم روا
راهی مجنونو ایلئین دوام
شهره ی جاهان بیر منم، منم

توبه قیلیمشام دای منم دئم
ترک توبه نی قیلمارام روا
ائندی مجنونون ترکینی، پکر
ایلئین فغان بیر منم، منم!

دردی عشقیدن تاپمیشام نوا
 اول کامان قاشا مبتلا منم
 قلبی پاره می دیندیرین گورون
 تاری زولفونه هم نوا منم

گچمندی گونوم دردی سیز مگر
 ایلرم عجب گولسه بیر اوزوم
 آنیما یازیب اول سیه قلم
 -درده هر زامان آشنا منم-

آفرین اولا یوز سنه قلم
 ایلدی فسون ماری زولفو کیم
 ایندی بوینوما آسلانیب دئییر:
 جانه اود ووران اژدها منم!

گلدی تانریدان تازه آیه،باخ
 واضحین دئییم یئنگی آیه باخ
 ها و یاوو لام،دال و آیه باخ
 دئردی :هم بلا هم شفا منم

دردیدن الیم اوزدو هامیدان
 سالمیشام ئوزوم باغلی، کوینا
 دئرمیشم سؤزوم مردی خیبره
 لافتی شها، بیل گدا منم

ایکی عالمین واریدان، پکر
 وئردیگیم دل ویاری بی وفا
 فانی عالمین قیل و قالی سه
 ایلئین ئوزون کیم جدا منم

ساقی یانمیشام، سوزی عشقیدن
 خسته کۈنلومه بیر دوا گئوک
 بیر پیاله می ، وئر بنا گۈوک
 ایندی بو دلہ بیر جلا گئوک

هیجریدن یانان ، بیلدی خیصلتین
 ناریدن جودا بیلمز هچ زامان
 عاشیقم دئین، یاریدن جودا
 کۈل اولوب یانا، بی صدا گئوک

کور اولا گۈزوم، گۈرودوغوم زامان
 ائتدی سیرریدن گۈز دیله نیدا
 باغلانان گونو کۈنلو کۈنلومه
 باشیما یاغا مین بلا گئوک

گۈرمدم بی جوز یاریدن جفا
 سالدی چۈلله بی وفا بنی
 یازمیشام اینان سنگه نامینی
 گئل کی بو بوتتا ، ایتیدا گئوک

نالہ دن کی بس قیلیمیشام نوا
 تنگه گئلدی دل ایلدی فغان
 اوزرون ایستدی جیسمیم ایندی، بو
 پاره قلبی مه بیر سرا گئوک

تا کی اوزرومو ایستدی فلک
 دردیدن بنی قورتاریب یقین
 آغلاما، نئدن دوتموسون عزا
 تا کی وارمیشام بیر عزا گئوک

صاف و ساده دل موددعا دئیل
لایقم بیلم ناری دوزخه
بیلمئدیم آنین وصلینه پکر
زیغلی دیل ولی پور ریا گئرک

ساقی عاشیقی ترکی سر دئین
ترکی دو جهان ایستر، ایستمز!
دل ده چوخ سؤزؤ باغلانیبدی لیک
بو سؤزه زبان ایستر ، ایستمز!

مردومی دؤنوب سنگه باغلادی
تیری طعنه ، دهر، یاغديرير همی
یاری سنگیدیل ، تیری چشمی هم
یاغسا، بیر امان ایستر ، ایستمز!

ریند و موبتلا، عشق موفلیسی
راهی پور خطر، یاریدن جودا
وصلی کویینا، بیر قرینی حق
صالیحی زامان ایستر ، ایستمز!

ائتمه خام ایله فاش بو سیرری کیم
عاجیز اولدو اول پوخته حالینه
زوهدو ریو ایسه مسجیده گیرن
جنتتی جینان ایستر ، ایستمز!

قیلدی مست مست حقی چنگ و دف
سنگیدن حقین چیخماز هنج سسی
گئل کی نی کیمی سؤیله حقی، حق
حقینی عیان ایستر ، ایستمز!

ساقی وئر مئین، ئولدورور فیراق
مستی قیل بنی ، وئرمه ایظطراب
سالیکی جنون، هامیدان أوزاق
دردینی نهان ایستر ، ایستمز!

قوودى بۇلبۇلو باغيدن كىنار
 ائتمرم داها بىرجه ايلتىجا
 جىسمى جانيدن، ايلئين جودا
 حالىمى يامان، اىستر ، اىستمز!؟

اكدى غم تومون باغيبانى دل
 بىلدى خاكى - دل قيمتين يقين
 ايندى آچماقا تا كى بو گۇلۇ
 خونى دىل روان اىستر ، اىستمز!؟

اوجودان اينب دوولا بۇلبۇلۇن
 آلدانىب گۇلۇن آلى رنگينه
 تا كى هيجر يىلى تۇكدۇ پرلرين
 تركى آشيان اىستر ، اىستمز!؟

تا كى بئش دئديم، گلدى پنج و پنج
 چاتدى باشه بو ماهى دلفريب
 دۇرده باغليدير جانى بو ، پىكر
 ايندى بىر نشان اىستر ، اىستمز!؟

نم گۆزلریم، اورگین
بحرینه طوفان وئیر
کۆهنه یارام توختامامیش
یئنی یارام قان وئیر
کۆنلومده کی قارا قانلار
ایشدن سالدی منی لام
قیرخ قارامی چیخارتمامیش
قیرخ بیره فرمان وئیر

بیر تئل ایچون اسیر اولدوم
اولدوم قوربان تئلره
بئل باغلا دیم یاد ائلینه
دوشدوم ائلدن - ائلره
گۆز یاشلاریم بوغدو منی
سالدی سئلدن - سئلره
کۆنلوم بحری غملمیمه
گۆر نئجه جولان وئیر

دونیا باغینا گیرممیش
خزانلادی باغ - برگیم
اوزاریمدا ترلی - ترلی
قیرچینلادی ایره گیم
جاوانلیغین شوخ واختیندا
حزین اولدو اورگیم
هئچ قینامام سنی فلک
درسینی دۆران وئیر!

نئچه گۆزلدن بیرسینه
 دونیا وفا ائتمدی
 کیمی گلدی کیمی گئتدی
 سولدو، بقا ائتمدی
 گۆزلریمین یاشلارینا
 یاریم بها ائتمدی
 کامان قدیم آغ ساچلاریم
 عۆمرومه خزان وئیریر

کیم گۆروبدو سازسیزعاشیق
 تئلی داغلار داغیدیر
 اورگینده غم کوللاری
 سؤرغون ائلین داغیدیر
 کندین یانان چیراغلاری
 کۆنول شهرین یاغیدیر
 علسگر یولوندا، پکر
 الی باغلی جان وئیریر

سلام منیم جان باجیم
 دردلره درمان، باجیم
 کفین، حالین، نینین
 جانیوا قوربان، باجیم

سلام داش اینسانلارا
 اوجا باش اینسانلارا
 اوچ دؤرد کلام سؤیلره م
 گؤزو یاش اینسانلارا

سنین یولون اوزاق دور
 نقشه ده بور بوجاق دور
 بیزیم شهری گؤرمیئین
 بیلمز باشلاردا باشدور

بیلیم گؤزون یاشلی دور
 اورک سؤزو داشلی دور
 منده سنه سؤیلییم
 آغلاماسان یاخشی دور

کؤنله دولوب غم، باجیم
 یاخشی گونوم کم، باجیم
 اولدو بوگون تک یئنه
 قارداشا همدم، باجیم

منده کی درس اوخورام
 سؤزه باخیم، باخیرام
 دوزون دئییم اولموری
 یوخوم گلیر یاتیرام!

بوردا هاوا بولوتلور
شاخدا سالیب صیرتیلور
اوردا گونش باتماسین
دردلریمیز قورتولور!

من کی قیشی سؤیمرم
قیشدا دوستی گؤرمم
اوسسون دای جان دایانیر
بایراملاری گؤزلرم

یاخچی، غربت نجوردی ...
اینسانلار جوربجوردی
غوربت منه باتیشیب
آیریلیق نم نجوردی

بوردا هاوا قارلییر
پنجره بوز ساللییر
بیز کوشوروخ هممشه
قارگؤر میئین آغلییر

دوستون اوردا وار باجیم؟
کیمسه سنه یار، باجیم؟
بوردا محرم گؤرمورم
گنچدی گونوم دار، باجیم

دوستون اوزو آغ اولسون
اونا دایاق داغ اولسون
یئر قارلاری ساخلاماز
گون اریدیر ساغ اولسون

بوردا تانیش گۆرمورم
 قیش گنجسین سۆیمورم
 قیش گنجه بیر دوماندی
 دوستا ساری دۆنمورم

گل گۆروشاق ئولمیش
 دای باریشاق کۆچمیش
 اوشاق لیقى دۆر ائداق
 یاددان چیخیب گنتمیش

چوچه ده اوینایاردون
 مانسومانى قوواردون
 من ده نغیل دئیردیم
 گلیب اونو پوزاردون

منده چوخ دئینردیم
 سنده ن کتک یئیردیم
 منیم کی آبابام یوخ
 ئوزۇم نغیل دئیردیم!

"متیق بیر داغیدی
 ائلینه دایاغیدی
 بناموس، بیج، هرزه لر،
 تبریزه یاماغیدی"

بیر گون قوروت آماقیم
 اوقدر اوئینادماقیم
 بیردن قوروت پارتلادی
 اوستو باشیم باتماقیم

یاددا باغدا وئللیب
 آلماغاجی تللیب
 سن چادرانی قوزادون
 منده دریب یللیب

ای وای منیم خوش حالیم
 گتدی او میخوش حالیم
 جوانلیق کیمه قالدین
 قالمادی سر خوش حالیم

او اویناماق ساواشماق
 دوسلارینان قولشماق
 بیرتیق پالتار قورخوسی
 هر دم گیزلین اکیلماق

سحر تئزدن دوراردوق
 دوروب توپ اوینایاردوق
 آی بیخیلیب دوراردوخ
 بیر معریکه قویاردوق

بیر جوت جیریخ باشماقیم
 باغدان یاواش آشماقیم
 ایت لر ده برک هوروردو
 توپ گوْتوروب قاشماقیم

آخشام لار چابالاردوق
 آی قیزلاری قوواردوق
 میللت یامان دئیرکن
 بیزده قویوب قاچاردوق

من برک مازی آتاردیم
 دوسلاریمی اوتاردیم
 مورتوض دا برت جیغالمیش
 اونو ووروب قاجاردیم

اودا منی قوواردی
 قاپیمیزی تاپاردی
 آتام منه ساواشیب
 مازیلارین آتاردی

ای وای او یاز گنجلر
 گنچدی آیاز گنجلر
 آی پارلادیب چوچه نی
 اوزون آیاز گنجلر

ایندی کیملر قالیبدی
 جمعیمیز آیریلیبدی
 بیزه قالان آیریلیق
 دوسلیقدان آد قالیبدی

آتالار قوجالیلار
 یارپاقلار سارالیلار
 گون کؤلگسین قیسالیدی
 سوموکلر پوکالیلار

قارا دومان گونلریم
 گنچن یامان گونلریم
 آتام قالب جیهده
 قورخوب میسان گونلریم

منیم، آتام قوجالیب
 غم غصّسی چوخالیب
 دای میللرین گؤتومور
 سوموکلری پوکالیب

جبهه یولون قان اولسون
 داغلارین دومان اولسون
 ظالیم لرین الینده ن
 آمان الآمان اولسون

قوی قورتاریم کلامی
 من ایش ممیش بو جامی
 اوردا عزیز دوستوم وار
 اونا یئتیر سلامی

قویما سینه جالانی
 کیمدور اوننی آلانی
 گنچتدی آغالیق زامان
 باس بئلیمه پالانی

آریلارین یوواسی
 قوجالارین بوخچاسی
 قان طعمینی چکیسن
 یارالارین تازاسی

باخما دوزلوق بیله نر
 یالانچی تز دیلنر
 باس بو جیسمی تورپاقا
 قالسا بیر گون اییلنر

بىر گۆن بوردان چۆكرم
 يوردومدان ال چۆكرم
 يئردن ياواش اوزولوب
 گۆيده اولدوز اكرم

من يازماقدان دويمارام
 قلم يئره قويمارام
 آمما داي وقت داراليب
 داي آرازي پوزمارام

دنيا بىزي ساتماسين
 غم غصسى باتماسين
 اولار بىزي اويدوروب
 پىكر ، مىلت ياتماسين

قويما قاشين ساللاسين
 گۆز ياشاليب آغلاسين
 بىز يولوو گۆزلروق
 الله سنى ساخلاسين

خسته جانیم مین اولا
جانووا قوربان رضی
گۆزلریمه قان دولا
یوللوا احسان رضی

یامانلیقی دانارسان
تک حالیمی قانارسان
قارا گونده یانارسان
مهری درخشان، رضی

صبريله، داشماز اینان
نفسی قوشماز اینان
منسیر او، قاشماز اینان
کامیل او اینسان، رضی

من کی سنه یاراشمام
دوللام قانا،ها داشمام
هر کیمسه اولاشمام
حالیمه حیران رضی

من کندی، سن شهرلی
من کاسیپام،سن فرلی
سن شیرین ، من زهرلی
لب غنچه خندان رضی

خوش سنله، گونوم گنچدی
دوز گنچدی،دؤنوم گنچدی
دالی هم اؤنوم گچدی
گؤر نئجه عوصیان، رضی

یادلارا اولسون عیان
هم عملوق هم بیان
ظاهر و باطین همان
دوسلوقا ارکان رضی

زاماندی، دورماز ، گنچر
کونلوم قارا قان ایچر
پکر غم ده ن داغ تیکر
یوخ اونا همسان، رضی

شاعیر ائلینه یانار
 ائل ده شاعیرین دانار!
 اونون اُورک سۆزونو
 اُورگی یانان قانار

شاعیر ائله آغلئیار
 اورگینی داغلئیار
 ائلین یئرسیز گولوشو
 ال قولونو باغلئیار

شاعیر یایدا بورونر
 ائل دالیجا سورونر
 اونون اکن چیچگی
 یوز ایل سورا بولونر

شاعیر ائلین بوراخماز
 یاد ارخینه او آخماز
 بیر ائل کیم هئج، یاری ده
 دؤنوب اوزونه باخماز!

یاد، شاعیر دن چئکینر
 قیچی آخسار سئکینر
 شاعیر محبت سۆزو
 اورکلره اکینر

شأنیم سۆزدن بولونر
 سۆز دالیمجا سورونر
 کیمی چالدم سۆزومله
 ایلان کیمی بورونر

لاف- سۆز، دوزدن بيلينر

اعتبارى سيلينر

شاعير ئولندن سورا

ائل يانيندا ديريلر

قانادلارېم قىرىلاندا
 دوستلوقلار تىك، بوزاراندا
 يوللار بېردە اوزاناندا
 سىندە منى او زامان گۆر
 غىم داغلارېن درە سىندە

كۆنلوم يانار، سىنانمالى
 فلک سۆكۈر ، اينانمالى
 اوجا داغلار سوانمالى
 كسىر دىلېم سۆزلۈيۈمۈ
 دىنمىز قاللام حسرتىندە

گۆزۈم گۈدۈر گۈلۈشلىرى
 بو دۈنيانىن گىندىشلىرى
 يالان دۈغرو دىيىشلىرى
 ھىچ بېلىنمىز ظاھىرىندىن
 عارىف، مورتد مزارىندە

ايللر ائلىن طىنى سۆزۈ
 باتىر قىلبە، يالان دۈزۈ
 يانار قىلېم ، يانار ، دۈزۈ
 طىن اوخ ووران سىدىن گۆرسون
 مىشەر يولون كۆرپۈسوندە

عرضىم قىسا، بېلىسىن جاھىل
 ايرى سئۈير دۈزدن غافىل
 گىچىر عومرو اونون باطىل

دوشمز یقین، حقیقی بیلن
جهل تورونون بیناسینده

غم اهلیدیر غمی آنیر
شامدا ایپک، شمعه یانیر
غریب یئلر جانین آلیر
قالار پکر، تک غوربتده
کول دفترین اورتوسونده

گۆزلىرىمىن يونماقنىنى آنلادىم
 يوخلامامىش بىردە دوروب آغلادىم
 يارا موهرون قان كۆنولە داغلادىم
 گل گۆر كۆنول يوردوم گىتدى اليمدن
 قان تۆكولور اوخودوقجا دىلىمدن

بىر گونودور سازىن عاشيق چالاردى
 بالالارىن عاشيق اولوب ياشاردى
 محببتىن كۆنوللردن داشاردى
 يامان دۇندون بىگانه لر دىينه
 گىردون شيطان، اهرىمىن دىينه

آلدى شيطان عاشيق سازى الينده ن
 سنده گىچدون ايختىيارلا، ائلينده ن
 سنى محروم كىم اىلىب دىلينده ن!
 آزاد اولدو قارا تورپاق نه فايدا؟
 اينام مارام بو روح، جىسمه قايدا

هر كسىله هر ناكسه يار اولدون
 هئچه وردون قىدمتىوى، خار اولدون
 آذربايجان اولكه سینه عار اولدون
 ايتدى حيا، كوچدو عىصمت يوردوندان
 ايله بيل كىم آيرىلير جىسم، جانىمدان

هئچ بىلىرسن بىزده ده جان قالمايىب
 قديم دىيل، داي اىستى قان، قالمايىب
 ناموس گىدىب، بوردا ايمان قالمايىب
 كىمه دىيم بارى خودا سۆزومو
 جانىم چىخىر، داي قالمىرى دۆزومو

بىز ستار خان اولادىيوخ اولمروق
 نسىمى تك جان وره روق دؤنمروق
 بابك اوغلو يانار يقين، سؤنمروق
 آى جماعت نه اولوبه سىزلره
 خاريجه نين ماركين ووردوز دىزلره!

آتا بىلن سؤزو اوشاق داي بىلمز
 بولبول اولان گولشنده، بايگوش دىنمز
 پىش مېش گۆره ن حقيقتى، خام گۆرمز
 قارقا ائدير آرزى كهلىك يئرشين
 بىزده ائندوق تقليد، قارقا دئيشين!

سىز گولرسىز من آغلارام سؤزومه
 تانىش دانلار، هم سؤز گلر اوزومه
 ياد جماعت چوپ قويارلار دوزومه
 پىكر بىلدون هاردان گئچدى بو القاش؟
 اونداكى يار دؤندو اولدو نا يولداش!

بویون بیر ناله و افغان
 آلوب دور هر یئری عوصیان
 گوزوم چئکدیم هر یاندان
 قالارسان حالیمه حیران
 اوزون گولمز، اوزون ظالیم
 منی تاریمدان آریبسان
 قولوم قاناریمی سیندور
 اوچانماز بیرده بو اینسان
 اوزون گولمز، اوزون ظالیم
 منی یوردومدان آریبسان

دوغور دؤزده ن نه آنميسان؟
 یئری قاندان جالانیسان
 قوجالاردان جان آلیسان
 جوانلارین قوجالديبسان
 اوزون گولمز، اوزون ظالیم
 منی تاریمدان آریبسان
 گوزوم خسته اومود قالمیر
 چوخ عهد ائدیم، وفاسیزسان
 اوزون گولمز، اوزون ظالیم
 منی یوردومدان آریبسان

اٲوین آباد، کونول ویران
 تراز ایری دئیل میزان
 سن اولدون بادِ برگ ریزان
 منم هر سازیوه خیزان
 اوزون گولمز، اوزون ظالیم
 منی تاریمدان آریبسان
 هوسلی عشق سونر شمع تک

من اوللام اوت، کولوم سوزان
 اوزون گولمز، اوزون ظالیم
 منی یوردومدان آریبسان

وئریب صورت گیله، رحمان
 ثنا ائتمز اونا شیطان
 کلکدن بوخچاسی الوان
 ضعیف اینسان وئریر ایمان
 اوزون گولمز، اوزون ظالیم
 منی تاریمدان آریبسان
 قولیم قاناریمی سیندور
 اوچانماز بیرده بو اینسان
 اوزون گولمز، اوزون ظالیم
 منی یوردومدان آریبسان

یولون کج دور بو داغلاردان
 کوسوب چشمه بولاقلاردان
 منی آت، سن، قوجاکلاردان
 آنام، ظالیم، آنالاردان
 اوزون گولمز، اوزون ظالیم
 منی تاریمدان آریبسان
 پکردن ده بیر یاد اول
 کهن ضخمین التیامدان
 اوزون گولمز، اوزون ظالیم
 منی یوردومدان آریبسان

بختی قارا ، شمعی سؤنوب،نینیم
 گلدی خزان ، گول ساریب، نینیم
 روحی اوچانمور یورولوب قوللاری
 قلبی غمیندن دایانیب، نینیم

باشیما مین دردی،بیرین دینمیرم
 منزیل اوزاق راهه چاتا بیلیم
 کشتیسی طوفاندا سینیب ، غرق اولور
 گۆزلی ساحیلده قالیب،نینیم

جیسمی جوان ، روحو بیراز پیر اولوب
 پشتو کمان ، یارلری تیر اولوب
 آهی مه اولموش اوشودور داغلاری
 گۆزلبین یاشی دونوب،نینیم

چؤللو بیابان شوغالی شیر اولوب
 زخمی زبان جانیمه شمشیر اولوب
 دوستی ساتاندا قیرانا دوسلاری
 دوستین اوزوندن اوتانیب،نینیم

حقّه مخاطب بیرسین تاپمیرام
 لهو مجالیسده ،عمل قاتمیرام
 سوز ده جانی دالدا یالان ساتمیرام
 حقّه دایاغ باطیل اولوب،نینیم

اونداکی ظاهر بیزه میزان اولا
 عقل گیریفتاری شیاطین اولا
 روحی اسیرِ قرا توپراق اولور
 جسمی جهنّمده یانیب،نینیم

بونجا یازان صورتی تصویر ائله
 ظاهرینن باطینیوی بیر ائله
 آدمی عیناً، ایکی موجود ییل
 بیرسی قالا بیرسی دؤنوب، نینیم

ریند مساجده ریا ایلمز
 ترکی جهانیندن ایا ایلمز
 نفسی جوت عالمده فراموش قیل
 آتش عشقینده یانیب، نینیم

شمع یانیر دؤرو بری نوریله
 جمعدی عشاق، کنارینده شوریله
 عشقی ایپینده ن گئره ک اورگشاق
 حالینا یاندیقجا یانیب، نینیم

هر کس نوز ظنیده بیر شیء تاپیر
 ذهنی چئکنمیر ولاکن قاتیر
 ظلمتی نورانی گؤرور، بی هنر
 ظلمت ایچینده قالب نینیم

اوندا کی همدم ائلدن گلیر
 جان و جیگر گوشه بئلدن گلیر
 دوست، قانی اورکدن ایچر
 دوستی پکر قالمایب، نینیم

گۆرملیدیر تبریزه قار یاغاندا
 کاسیب اوشور اویدوغو احوالیندا
 امان ایستر اوچوق دامین آلتیندا
 بتر وره ر اونا امان، زلزله
 جانی تیتره ر، جانه سالار ولوله

او دامیندان، وارلی جانیندان قورخار
 یئر تیتره سه اوچوق دیوار بیخیلار!
 جلّ الخالیق! هنج گۆر مرمر کاخ اوینار
 بوندان قدیم بلا ظلومه یاغاردی
 دونیا مظلوم سومویونده ن آغاردی

من قورخمارام! آما جاندى، شیریندی
 برکیله بوش ایمتیحاندا بیلیندی
 قورخما جانیم، قورخسون اولکی بی دیندی
 ایندی گۆر کیم ئولوموله قارداشسان
 ایله بیل کیم یوز یاش ایله هم یاشسان

بیل سن - بلا - مظلوملارین آهیدیر
 ناحق قالخان ظالیملرین کاخیدیر
 یورگون کۆنلون، یتیم گۆزون، یاشیدیر
 نادان اسه ر هر بیر یونگول یئل ایله
 مرد ایلمز هر سو ایله، سئل ایله

شیطان آلا ر ایمان، دونیانی وره ر
 خام طولانار تزلی، ایمانی وره ر
 پیکر یانار جانانه، جانی وره ر
 عاشیق قورخماز اول تانرینین اودوندان
 گۆزو اولماز جننت ایله - حوروندان